

اداره مرکزی :  
 آنقره ده ، استانبول جاده سنده آنقره  
 معارف آمینلکی یاشده کی داتره  
 استانبول بوروسی :  
 استانبولده ، آنقره جاده سنده ۸۷ نومروده  
 ۵۶۵ مخصوصه

# حیات

میانر ائمه ایما... دیباہ راها جرن حیات قاتلم !

نیمسی هربرده ۱۵ غرورده .  
 سنه لکی پوسته ایله ۷,۵ لیرا .  
 ( اجنبی ملکتلر ایچین ۷,۵ دولار )

اونه و اعلان ایشلری ایچین استانبول بوروسی  
 مراجعت ایذیلیر .  
 یازی ایشلرینک مرجعی آنقره مرکزیدر .

صافی : ۶۰

آنقره ، ۱۹ کانون ثانی ، ۱۹۲۸

۳ نیمی جلد

صاحبه :

## معنوی دورغونلغمزده داتره

عصری تورکیانک اک مهم مسئله لرندن برینه  
 تماس ایتمک و بونک اطرافنده قوتلی بر مناقشه  
 قاپوسی آچقله ، حیات مجموعی ، چوق فائده لی  
 برایش کورمشدر . بزده جانلی وسجیه وی بر علم  
 حیاتنک اویانه مامسی جدا حیرتله قارشیلانمغه  
 لاقتدر .

مدرس محمد عزت بک ، دورغونلغک  
 سبیلرینی بالخاصه سیاسی عامللرده بولویور . بونک  
 دوغرولغندن شهبه ایتمک حقمز یوقدر . سیاسی  
 عاملر ، یالکز بر فرقه دوکوشندن عبارت  
 اولسهیدی اوزمان بونی پکده قوتلی برسب  
 اولارق ایلری به آتہ مزدق . لاکن بالقان حربی  
 وعمومی حرب ، آنادولو استیلاسی و استانبول  
 اشغالی کی حادثه لری و بو حادثه لر ایچنده تورک  
 ملتنک چکدیکی نهایتسز اضطرارلری دوشونه چک  
 اولورسه ق بزده حالا علمی مسائله قارشلی برعلاقه  
 قالمش اولماسی بیله شایان حیرتدر . کنجلك  
 ومعلمک بو اوزون سنه لر ایچنده ، طبیعتک اک  
 ضروری قانونی صاییلان محافظه نفس قایغوسندن  
 باشقه برشی دوشونمه مش و دوشونمه مش در .  
 بو محافظه نفس ، ملی واجتماعی محافظه نفس ایله  
 برلشنجه وضعیت حقنده ده صریح بر فکر  
 ایذینمش اولورز . اک مترقی بر جمعیتده عینی  
 مقیاسده بزم معروض قالدیغمز فیجه لره معروض  
 قالسیدی محقق اولنلرده شایان حیرت بردورغونلق  
 دورینه شاهد اولورلردی .

قیددر . علمی حیاتنک جانلانمسنده مادی رفاهی  
 انکار ایتمک ایچون اخلاق علمنده ، جمعیته  
 خیرلی اوله بیلیمک مفهومی ایچنه هر کسک قهرمان  
 اولسنی شرط قوشمق ایجاب ایدر . قهرمان  
 اوله دنده جمعیته چوق فائده لی خدمتله ایضا  
 ایتمک ممکن اوله بیلدیکنی هر کون کورویور  
 وایشیدیورز . مادی رفاه ، بر متخصصی و یا خود  
 متخصص نامزدینی تالی و اهمیتسز ایشلرله  
 اوغراشمقن قور تاریر . علم ایشی ، دماغی قدرتک  
 اعظمی مقدارده دار بر ساحه به تمرکزنی ایجاب  
 ایتدیرر . عالم ، شو و بو کتابلری - دار ساحه نک  
 خارجنده - اوقورسه مطلقا ، اصل کندی ایشی  
 ایچون ده فضلہ مجهز اولوق ایچون اوقور .  
 بو ، یایلمق ده کیل ، اسکینندن ده ای بی بر  
 طرزده متمرکز اولمغه چالیشمق در . بو مسئله ایله  
 علاقه دار اولارق بر عالمک و بر عالم نامزدینک  
 حالندن باشقه آتینسندن ده امین اولسی ایجاب  
 ایدر . لک زیادہ استراحتہ محتاج اولاجنی ردورده ،  
 اختیارلرده ، ثابته سیله برابر سفاوته محکوم اولمی  
 ایستهمه مک هر کسک طبیعی برحق در . عالم ،  
 کندیمی ایچون ده کیل منسوب اولدوغی جمعیت  
 و بشریت ایچین چالیشر ، بناء علیه بر عالمک منسوب  
 اولدینی جمعیتدن اورتا درجه ده بر رفاه ایستامه سی  
 قدر طبیعی برشی یوقدر .

صوکر اینه کوپرولی زاده فؤاد بکک  
 دارالفنونه کتبخانه لر ، موزه لر ، انستیتولر  
 و لاباراتوارلرک محدود و هر تورلو اعتقادن محروم  
 اولماسنی ، دورغونلغه سبب اولارق ایلری سورمی  
 جدا اهمیتله قید ایذیله چک مسئله لر دن بری در .  
 بو مهم نقطه لر دن صوکر اینم ، معنوی

یوقسوللغمز و دورغونلغمزک سبیلری وازاله سی  
 حقنده نظر دقته آلتماسنی لزومی کوردیکم دیگر  
 برایکی نقطه بی ده اولکیلرینه علاوه ایده بیلیرم :  
 (۱) معنوی ساحه ده چالیشان عناصرک  
 حیاتلرنده استقرار تأمین ایذلمسی ، یوکسلمه نک ،  
 ترقی نک مهم بررکتی در . دنیانک هیچ بریرنده  
 تورک معلمی و منوری قدر یری یوردی بللی  
 اولمایان بر عنصر یوقدر . استانبولده ذکاوتنه  
 اعتماد ایتدیکم بر قاج آرقداشله ، قونیه ده وازمیرده  
 کوروشدوکم بر چوق معلم آرقداشکم کتبخانه لرینی  
 کوزدن کچیردیکم زمان : نه ایچون بو اثرلرکی  
 طبع لرینی کتیر تیمورسک ؟ وفلان فلان اثرلری  
 نهدن کتبخانه گه علاوه ایتیمورسک ؟ دیمشدم .  
 آرقداشلم بویوک برلاقیدی ایله : « آدم سنده !  
 برمنز یوردمنز بللی ده کیل که ! اوزون مدت ،  
 هیچ اولمازسه اون سنه بوراده قالا جغه اعتماد  
 اولسه اوزمان اومی ده انتظامنه قور و کتبخانه می ده  
 تاملار و شوقله ده چالیشردم ! حال بوکه زکیکنجه  
 کتبخانه مک بر قسیمی آطنه ده قالدی . بر قسیمی  
 استانبولده ؛ بونلرده بقیه السیوف ! اساساً  
 - سکا سویلیورم - بو کوچیه لک انسانی مکتبته  
 بیله باغلامیور . کوچیه لک و مهاجرلک بزلی  
 ییقیور عزیزم . اشیایی آلتون فیثاته آلپور  
 و نقل ائساننده هیچ بهاسنه صاتیورم .. الخ ،  
 آرقداشلمک مشترک شکایتی بودر . بووقعه لره  
 شاهد اولدوغم زمان غیر اختیاری ، لاپزینغ  
 شهرنده ربع عصر دن فضلہ ابتدائی معلمکی  
 ایتمش و : « تجربی په داغوژی لاباراتواری ،  
 دیه یازدینی اثریله طانمش اولان بر معلمی کوز

اوکنه کتیریم . امینم که بوشخص ، تور کیده  
معلم اولسهیدی ، ستین سنه برشی یازامازدی  
وبرهیچ ایله ایشه کیریشیر وبرهیچ اولارق  
اختیارلاردی .

معلملرک حیاتنده استقرارتأمین ایتمک ایچون  
اک مهم چاره لر شونلردر : کویلرده وحتی بر  
چوق شهرلرده انشایدیلن هر مکتبک ، نشهلی  
وبانجهلی بر معلملر قسیمی یاپیلدی در . هر جماعت ،  
مکتب بناسنی دوشونمه دن اول ، مکتب معلملرینک  
استراحتنی دوشونمغلی در . معلملره مخصوص  
بنامک معین بر دمیرباش اشیاسی اولدی در . دمیر  
باش اشیا آراسنده - اوزاق یرلره نقلی کوچ  
وحتی امکانش اولدوغنی ایچون - برده اورتا  
حالی کتبخانه جکی موجود اولدی در . بوشرائط  
تأمین ایدیلرسه - که جماعت قانوناً ۵ - ۱۰  
سنده بونی اکیال ایده بیلر - اوزمان معلملردن  
برجوغنی کیتدکلری یره مادام الحیات باغلانه بیلیرلر  
وکوزلری باشقه یرده اولماز . هله بونی اورتا  
مکتبلره ولیسه لرده تشمیل ایتمک ممکن اولسه  
دها ای اولور . زیرا داغنیق یاشایان وبربرینی  
آنجق مکتبده کورن معلملری یکدیگرینه باغلامق  
وآرالرنده فائده لی تشبثلره زمین تشکیل ایده جک  
مصاحبه لره واجتماعلره یول آچق وبالحاصه دائماً  
مکتبه یاقین اوله جقلری ایچون ، کنجلاک تربیه سیله  
وروحی تدقیقه اوغراشمق معنوی حیات نقطه  
نظرندن چوق فائده لی در . تدقیقه هوسلی اولان  
برمعلم ایچون اک ایده آل حیات ، چالیشدینی  
مکتبک یاننده یاشامق در .

(۲) علم حیاتنک مرکزینی دارالفنون تشکیل  
ایتسه بیله ، معنوی حیاتمزده کی جوالینی ، یالکز  
دارالفنوندن بکلمک قطعاً دوغرو ده کیلدر .  
کنیش تورکیا جمهوریتنک معنوی مؤسسه لرنده  
چالیشان برجوق قیمتلی ومستعدکنجلا واردرکه  
اونلرکده معنوی ترقیده مهم بررول اویناماسی  
احتمال داخنده در . بومستعد عنصه لری بولوب  
حمایه ایتمک کونک مهم مسئله لرنندن در . کنجلا مزدن  
برجوغنی آوروپایه کوندرمک ، اکیال تحصیلدن  
صوکر او نلری تماماً کوزدن اوزاق بولوندورمق  
مملکت مزده کی منور عناصردن حقیقه استفاده  
ایتمنی بیلمه مک در . ایشه شوراده برکیما کر ،  
اورتا مکتبک برنده هر تورلو لوازمندن محروم

اوله رق چالیشیور وامینم که دونه نظرآ ، اوکنج ،  
بوکون بر پارچه ده ها کربله مشدر . ایشه ینه بر  
بیمیا کرکه ۵ - ۶ سنه آوروپاده چالیشوب اکیال  
تحصیلدن صوکر اکلش ، هیچ کیما ایله علاقه سی  
اولمایان ایشلره اوغراشیور . بونلرک هر ایکسیله  
کوروشولسه وبر فکر مبادله سنه کیریشیلسه  
جوالیتدن محروم اولدقلری کورولور و ذکا -  
وتسز لکلرینه حکم اولونور . حال بوکه بر مصاحبه  
انساننده بر شخصک چوق ذکی بر تأثیر یاپمه مسنک ،  
اونک لزومسز وفائده سز بر عامل اولدوغنه شبهه  
ایتمک سبب تشکیل ایتمز . وقبیه طانیدیغ قیمتلی  
بر آلمان طب متخصصی ، تاریخ ، جوغرافیایا  
واجتماعی مسئله لرده برجوق تأثیرینی یاپوردی .  
اودرجه که بولغارستانک تورکیا ایله هم حدود  
اولدوغنی بر تورلو دوشونمه مشدی . لاکن  
عینی ذاتک کندی مسلکنده یازلمش یدی دن فضله  
اوریزینال قیمتلی اثری واردر . شخصلری ،  
حجت مجلسلرنده کی حاللرینه کوره ده کیل ، کندی  
سه ودیکی ایشی باشنده تدقیق ایتملی در . چوق  
متواضع وکوستریشسز لر ، ایشلری باشنده شایان  
حیرت شخصیتلر اوله بیلیر . یترکه اونلره ایستدکلری  
شکلده چالیشمق امکانی ویریلین!

(۳) دارالفنونمزی و عالی مکتبلرمزی اک  
عصری بر شکلده تجهیز ایتمکله برابر ، معلم  
ومدرسلر مرکز عددینی ده ممکن مرتبه جوغرافیا لری  
بلکه ده اوزون مدت یالکز بردارالفنونله اکتفا  
ایتمک مجبوریتنده قالان تورکیا ایچون بو ،  
قطعی بر ضرورت در . دارالفنونده یالکز بر  
اجتماعیاتی ، یالکز بر فیلسوف ، یالکز بر  
تربیه جی ویالکز بر روحیاتی قطعاً کافی  
ده کیلدر . روحیاتک ، تربیه نک ، فلسفه نک ،  
اجتماعیاتک برجوق جریان واستقامت لری بر  
پروفیسوره یوکه مک ، هم اونلری ابتدائی معلمی  
کبی محمول بولوندورمق وبالنجه معناً ضعیف  
دوشورمک وهمده طلبه یی عصری بر شکلده  
معناً تجهیز ایده مه مک در .

آوروپاده ، مثلاً آلمانیا ده بر دارالفنونده  
۲ - ۳ فیلسوف اولدوغنی حالده ، طلبه دیگر  
فیلسوفلرک مختلف نقطه نظرلرنندن استفاده ایتمک  
اوزره سه مستر لری دیگر دارالفنونلرده ده  
کچیره بیلیر . هله اونلرک کتاب یوزندن محرومیت

چکمدکلری دوشونولورسه ، بزده دارالفنونک  
درس وپروفیسور عددلرینک جوغرافیا لسنک دها  
لزوملی اولدوغنی تظاهر ایدر .

(۴) معنی ترقیه دوغرو آتیله حق اک مهم  
خطوه لردن بری ، کنجلاکی معنوی قاپیتولاسیون  
بویوندروغنه محتاج براقمه مق در . یکی یتیشمش  
ویاخود یتیشمک اوزره اولان مستعد کنجلاکی  
نه وقت معنوی قاپیتولاسیوندن قورتارمغه موفق  
اولورسه ق ، اوکون محقق تورکیا افقلرنده فیضلی  
برکونش دوغمش اولاجقدر . علمی حیاتک  
تام اولغون صفحه سنده بر دارالفنون کنجک  
یوزلرجه ، بیکلرجه ساع صرف ایدرک اجنبی  
لسانی اوکره نمک مجبوریتنده قالمسی جداً  
آجینه حق بر وضعیت در . دون ، بو ضرورته  
بویون اکمکدن باشقا چاره یوقدی . بوکون  
ایسه بو ضرورته جداً بر نهایت ویره بیلیرز . زیرا  
صوک بش اون سنه ظرفنده آوروپا عرفان  
مرکز لرنده تحصیل ایتمش بر چوق کنجلا مزی  
موجه در . بونلر آره سنده فلسفه جیلر ،  
حقوق جیلر ، ادبیات جیلر ، ریاضیه جیلر ، زراعت جیلر ،  
روحیات جیلر ، تربیه جیلر واجتماعیاتی جیلر واردر .

فی الواقع بونلردن بعضیلری اسکیدن بری باقیمسزلق  
یوزندن پریشان بروضیته دوکولمشلردر وبوکون  
بر جوقلری هیچ احتمال ویرلین مسلک لرده  
چالیشمقده درلر . نه ده اولسه بونلرک برجوغندن  
الآن استفاده ایتمک ممکن در . بز علم ساحه سنده ،  
مع الاسف ، برمدت دها یالکز آلمق ایله اکتفا  
ایده جکز ومقادلکمز بوندن ایلری کایر . لاکن  
بو آلمق دورینه چابوق نهایت ویرمک ، اوریزینال  
شخصیتلر یتشدیره رک ویرمک دورینه ، طالکک  
دورینه کچمک ایچون اک سریع واسطه ایله بر  
علم سفر برلکی اعلان ایتملی بز . علم سفر برلکی ،  
آوروپانک قیمتلی اثر لری تورکجه یه چه ویرمکدر  
مختلف ساحه لرده بیک بش یوز علمی اثر ،  
یارینکی کنجلاکی ، ویرمک دورینه اولاشدیره بیلیر .  
یوقسه حال حاضرده کی کیدیشه آوروپایه بلکه  
۱۵۰ سنه صوکر معناً ایریشه بیله جکز . تورکجه  
الفبانک دکیشمی ، بو پلانک تأخیرینه قطعاً  
بر سبب تشکیل ایتمز . زیرا یکی الفبادن حقیقه  
استفاده ایده جک نسل ، هنوز دوغمه مشدر .  
بناء علیه بز بوکون یکی لاتین الفباسنه کچه ک

بیله اثر مرکز علمی اولانلرینی ینه اوزون مدت شیمدیکی الفبا ایله طبع ایتمک مجبورز . بوگون طبع ایله بیلجک یوزلرجه ، بیکلرجه علمی اثر ، اساساً یکیدن طبع ایله بیلجک در و چونکه بونلر اوزمانه قدر مطلقاً صایلمش بولنه جق در . ذکی وجوق قابلیتلی اولدوغنه شهه ایله بیله مین تورک نسلی آوروپانک معنوی اسارتدن قورتارمق ، عینی نسلی بشریتده معنا دیکر مللر صیراسنه یوکسلیتمک دیمکدر . تورکیا کنجلیکی بودوری یاشامدجه مقلدک دن و عقلالقدن قورتولامیه جق در .

۵) اکیال تحصیل ایچون آوروپادار الفنونلرینه کوندر دیکمز کنجلردن اعظمی استفاده ایتمک یولنی آرامقله معنوی ترقیمزه یاردیم ایتمش اوله بیلیرز . آوروپاده تحصیل ایتمش کنجلردن اک ایی استفاده ایدن مملکت بولغارستان در . آوروپاده تحصیلی اکیال ایدن بر کنج ، هرشیدن اول ، علمی اوله رق چالیشمه نک یوللرینی اوکرنش و ترقی ایتمک ایچون انه بیک واسطه کچمش دیمکدر . تحصیلی خارجه بیتیروب مملکتته دونن کنج مملکتته چوق ایی چالیشمق و ایش کورمک و صاقلا دینی ایله آللرینی تطبیق ایتمک نیتیه سه وینیرکن دهایلک زمانلرده سقوط خیاللره قارشیلایشیر . کندیسنه علی العاده بر ایش تکلیف ایدیلبیر و سنه لرجه چالیشدینی رده صاپلانیر ، قایلر . اونی آرایان ، نه لر ایستدیکنی سوران ، یوکسلیتمک ایچون نه کی شیر دوشو . ندوکنی تدقیق ایدن بولونماز . قوتلی امیدلره مملکتته دونن کنج ، یاشامق ایچون ما کنه کی چالیشمق مجبوریتنده قایلر و نتیجه ده امیدلره برابر کندیسیده معنا سوز ، کیدر .

بوندن باشقا آوروپایه تحصیله کوندر دیکمز طلبه نک یالکمز تحصیلی بیتیرمی ایله اکتفا ایتمه ملی یز . نظری تحصیلی اکیال ایتمکدن سوکرا هیچ اولماز سه برسنه قدر کندیسنه عملی ساحه لرده چالیشمق فرصتی ویرمی یز . قازاندینی نظری معلوماتی عملی جهتلرله ده تثبیت و تحکیم ایدن کنج ، یارین جوق ده فائده ملی برطرزده چالیشیر . بو کی کنجلر حقیقه چالیشیورلرمی ؟ بونی تثبیت ایچون غایت امین و قولای یوللر واردر .

۶) اک نهایت موضوع بحث ایتمک لزومی

حسن ایستدیکم نقطه ، بیتیشن تورک کنجلکنه اعتماد ایتمک در بزم علم ساحه سنده کندمزه اعتماد مز فوق العاده آزددر . ایسترزکه آوروپاده و یا خود باشقه بر یرده اکیال تحصیل ایدن بر کنج همان اک بویوک موفقیتله چالیشسین و اک مکمل برطرزده ایش کورسین . بونی کورمه نیجه کنجلکمز قارشی اعتماد مز آزالیر و مستقبل

### بروسه آقشام

بوگونه صوکه بهاردن سوزولوب دوغدی آقشام  
داغلاک بره ایندی قوبو ، سرین گولگه سی ؛  
« اولوداغ » آنکری آل اییکدن بو آقشام ؛  
دوشدی یشیل اووایه قهارک گولگه سی ...



افقلرده بو آقشام نه سیس وار ، نه بولوط وار ؛  
سرولرک ایچنده بر آله و « امیرسلطان » ؛  
ایچدن دعالر کی گچبور سانکه روزگار  
برآلهی آدابه بگزه یین « ییلدیریم » دن ...



اوواده اینجه یوللر گولگه نیور ایشته ،  
قارشیدن رنگ ایچنده صولقون آی گورونور .  
گونشک صوکه نوزندن برداملاجق ایچمشده  
شوقارشیکی قوبه بر سرای گورونور ..



گوزلریمه وورونجه قهارک گولگه سی  
ئوز جنتی گولگه لیه سیر ایتمم بن بو آقشام .  
گولکرده نه بر نفس ، نه ده بر قاناد سی ،  
« اولوداغ » آنکری آل اییکدن بو آقشام ...

- روسه - عمر بر البریه

موقیت قاپولرینی ده کندیسنه قاپارز . بو اعتماد سزلق یوزندن درکه ایکیده برده متخصلر جلبنی دوشونورز و لزوملی لزومسبز بر جوق مصرفلرده بولنورز . حتی برم کندمزه اعتماد مز او قدر آزددرکه بعض مکبلره فرانسزجه لسان خوجالرینی بیله خارجدن بول پارا ویره رک تدارک ایدرز و بو خوجالرک نه قدر بجزیکسز ونه قدر معناسز لسان درسی ویردکلرینی ده ایشیدیورز . هر حالده بنم بو متخصلر مسئله سنده تبلر

ایتمش قطعی قناعتم شودر : مملکتمزک ته کنیک ساحه سنده بر جوق متخصلره بلکه احتیاجی واردر . فقط معنوی علملر ساحه سنده هیچ ، اما هیچ بر متخصسه احتیاج مز یوقدر . آنا لسانی ایله معنوی علملری تدریس ایله بیلجک بر متخصص ، درس لرینی تورکجه یه چویرمک ایچون بر معاونه محتاجدر . بو معاون ، متخصصک سویلدکلرینی تورکجه یه چویره بیلجک قابلیتده ایسه او حالده معاون جوق چالیشمقله عینی ایشی باشاراجق سویه یه کله بیلیر . و بو تقدیرده هیچ دورمادن او وظیفه یی کندیسنه تودیع ایتملی و کندیسنی ماده ترفیه ایله رک چالیشمسینی تحت امنیته آلملی یز . متخصلره ویردیکمز بول پارایی تورک متخصص نامزدلرینه ویرمکدن چکینه ملی یز . برلینده مهندس مکتب تالیسنده متواضع بر تورک کنجی پروفسور معاونی در و دنیا نک مختلف مللرینه درس ویرمکده در . بو ، بزم ایچون جوق اقتخار ایله بیلجک بر حادته اولسه بیله ، او کنج منحصر آ کچینه بیلجک بر پارانک کندیسنه ویرله می یوزندن برلینده کی وظیفه سنده قالمشدر . بو کنج ، ترسانه و تحت البحر انشاسی مسئله لرنده بر آوروپالی متخصص ایله اوموز اوموزه یورویه بیلیر . کوستریشسز و سکوتی اولان بو کنجدن مملکتک تام بر متخصص کی استفاده ایتمه می ، - دیدیکم کی - تورک منورلرینه و تورک کنجلکنه آز اعتماد ایتمکدر . بنده صوکه سوز اولارق مدرس قواد بک ایله برابر دییورم که : « ملی تاریخمزک اوزون عصرلری دولدوران صفحله لریله استیناس ایتمش اولمقدن متولد بر حسله ، تورک ملتک بر طاقم مجهول قدرت منبعلرینه مالک اولدوغنه دائماً ایناندم و اینانیورم » . تورک ، ملی مجاهده سنی آوروپا فن حرب متخصلری ایله ده کیل منحصر آ کندی قوتیه باشارمشدر . اجنبی متخصلرک یاردیمنی کورمش اولسه ییق ، محقق قطعی فلاکته سوروکنیردک . ملی مجاهده نک نه معظم بر عسکری ، اداری تشکیلات اولدوغی دوشونولورسه ، او زمان کنجلکه قارشی اعتماد ایتمه مرکز لزومی ده ایی قاورارز .

دوقتور

فیل فلکت